

## ZAPISNIK

sa 24 redovne sjednice Upravnog odbora Univerziteta u Tuzli, održane u petak 21.02.2020.godine, sa početkom u 10,00 sati u sali za sjednice Rektorata Univerziteta u Tuzli

Sjednici su prisustvovali: predsjednik Upravnog odbora Amir Šabačkić, dipl.ing., te članovi: dr.sci. Zehrudin Osmanović, red.prof., dr.sci. Izet Gazdić, red.prof., dr.sci.Sandira Eljšan, red.prof., dr.sci. Franc Andrejaš, vanr.prof. i Noris Sakić, student.

Sjednici nisu prisustvovali članovi Upravnog odbora Šehval Lapandić, dipl.ing., dr.sci.Suad Halilčević, red.prof. i Abid Omerović, MA.

Osim članova Upravnog odbora sjednici su prisustvovali: Rektora Univerziteta u Tuzli dr.sci. Nermina Hadžigrahić, red.prof. generalni sekretar Jasmina Berbić, dipl.prav., Direktor za ekonomske poslove Fuad Čerčić, MA, Šef Službe za pravne, kadrovske i opšte poslove Šejla Fazlić, dipl.pravnik, i Enida Omerhodžić, dip.ecc, viši stručni saradnik.

Predsjednik Upravnog odbora je konstatovao da su ispunjeni svi uslovi za rad i odlučivanje na sjednici, te je otvorio 24. redovnu sjednicu Upravnog odbora.

Dao je na usvajanje predloženi dnevni red.

Direktor za ekonomske poslove Fuad Čerčić, MA izvjestio Upravni odbor da nije pribavljeno mišljenje resornog Ministarstva TK na Prijedlog finansijskog Plana Univerziteta u Tuzli za 2020. godinu, te je predložio da se sa dnevnog reda skinu predložena tačka 2.- Donošenje Finansijskog Plana Univerziteta u Tuzli za 2020. godine.

Nakon što je Upravni odbor usvojio prijedlog, jednoglasno je za ovu sjednicu utvrđen slijedeći

### DNEVNI RED:

#### DNEVNI RED:

1. Usvajanje Zapisnika sa 23. redovne, 11.vanredne i 12. vanredne sjednice Upravnog odbora Univerziteta u Tuzli;
2. Izmjena Plana nabavki Univerziteta u Tuzli za 2020. godinu
3. Donošenje Odluke o razrješenju direktora za ekonomske poslove Univerziteta u Tuzli, na lični zahtjev.
  - 3.1. Donošenje Odluke o imenovanju v.d. direktora za ekonomske poslove Univerziteta u Tuzli
  - 3.2. Donošenje Odluke o raspisivanju Konkursa za izbor direktora za ekonomske poslove Univerziteta u Tuzli
  - 3.3. Imenovanje Konkursne komisije.
4. Informacija dekana Rudarsko-geološko-građevinskog fakulteta po Zaključku Upravnog odbora broj: 04-6065-1-6.2/19 od 10.12.2019. godine.
5. Davanje Saglasnosti za izgradnju kanalizacionog kolektora oborinske vode/Kampus Univerziteta u Tuzli.
6. Zahtjev Sindikata visokog obrazovanja Tuzlanskog kantona.

#### TAČKA 1.

**Usvajanje zapisnika sa 23. redovne, 11.vanredne i 12. vanredne sjednice Upravnog odbora Univerziteta u Tuzli;**

Član Upravnog odbora dr.sci. Franc Andrejaš, vanr.prof., istakao je primjedbu na zapisnik sa 12. Vanredne sjednice Upravnog odbora jer u istom nije navedeno da je svoj izostanak uredno opravdao.

Nakon što je usvojena primjedba na Zapisnik 12. vanredne sjednice Upravnog odbora Univerziteta u Tuzli, Zapisnici sa 23. redovne, 11.vanredne i 12. vanredne sjednice Upravnog odbora Univerziteta u Tuzli usvojeni su jednoglasno.

## **TAČKA 2.**

### **Izmjena Plana nabavki Univerziteta u Tuzli za 2020. godinu**

Nakon izlaganja višeg stručnog saradnika Enide Omerhodžić, dipl.ecc, o Prijedlogu izmjene Plana nabavki Univerziteta u Tuzli za 2020.godinu Upravni odbor e jednoglasno donio

### **ODLUKU**

**o izmjenama Odluke o usvajanju Plana nabavki Univerziteta u Tuzli za 2020. godinu broj : 04-693-1-3/20 od 07.02.2020. godine**

#### **I**

U tački I Odluke o usvajanju Plana nabavki Univerziteta u Tuzli za 2020. godinu broj: 04-693-1-3/20 od 07.02.2020. godine kod nabavki pod rednim brojevima **127.** mijenja se iznos javne nabavke (kolona 7. i kolona 8) i mijenjaju se iznosi nabavki pod rednim brojevima **139. i 140.** (kolona 6, kolona 7. i kolona 8.) i sada glase:

R. br	Fakultet/org.jedinica	Ekonski kod	Predmet javne nabavke	Finansiranje iz budžeta KM bez PDV	Vlastiti prihodi KM bez PDV	Primljeni tekući transferi i donacije KM bez PDV	Ukupno (5+6+7)	Vrsta postupka	JR/JN	Napomena
1.	2	3.	4	5.	6.	7.	8.	9.	10.	11.
127	KAMP/UNIV/SC	8216	Radovi na rekonstrukciji objekata Univerziteta/Kampusu i dijela vanjskog uređenja		264.000,00	13.450,00	277.450,00	Otvoreni postupak	45000000-7	
139	MED	8216	Rekonstrukcija kabineta za kliničke vještine			4.910,00	4.910,00	Otvoreni postupak	45000000-7	Prenos iz 2019
140	MAŠ/KAMP	8216	Radovi na uređenju laboratorijskog kompleksa Mašinskog fakulteta u Kampusu Univerziteta			17.660,00	17.660,00	Otvoreni postupak	45000000-7	Prenos iz 2019

#### **II**

U koloni 6 – Vlastiti prihodi, koloni 7 –Primljeni tekući transferi i donacije i koloni 8 -Ukupno mijenjaju se ukupni iznosi na ekonomskom kodu 8216 i iznose 803.988,00 (kolona 6) , 64.100,00 KM bez PDV (kolona 7) i 868.088,00 KM bez PDV (kolona 8).

U koloni 6 – Vlastiti prihodi, koloni 7 –Primljeni tekući transferi i donacije i koloni 8- Ukupno mijenjaju se ukupni iznosi Plana nabavki za 2020. godinu i iznose: 1.903.122,00 bez PDV (kolona 6) 672.129 KM bez PDV (kolona 7) i 2.927.217,00 KM bez PDV (kolona 8).

#### **III**

U ostalom dijelu Odluka o usvajanju Plana nabavki Univerziteta u Tuzli za 2020. godinu broj: 04-693-1-3/20 od 07.02.2020. godine ostaje nepromijenjena.

## **TAČKA 3.**

### **Donošenje Odluke o razrješenju direktora za ekonomske poslove Univerziteta u Tuzli, na lični zahtjev.**

Generalni sekretar Jasmina Berbić, dipl.ravnik je upoznala članove članove Upravnog odbora sa sadržajem Zahtjeva Direktora za ekonomske poslove te objasnila proceduru razrješenja propisanu

Statutom Univerziteta.  
Nakon diskusije Upravni odbor je donio slijedeću

### 3.1

**ODLUKU**  
**o imenovanju Komisije za provođenje postupka tajnog glasanja**  
**za razrješenje direktora za ekonomske poslove**  
**Univerziteta u Tuzli**

**I**

Imenuje se Komisija za provođenje postupka tajnog glasanja za razrješenje Direktora za ekonomske poslove Univerziteta u Tuzli, na lični zahtjev, u sastavu:

1. prof.dr.sci. Zehrudin Osmanović, predsjednik,
2. prof.dr.sci. Franc Andrejaš, zamjenik predsjednika,
3. prof.dr.sci. Sandira Eljšan, član.

**II**

Zadatak Komisije iz tačke I je da, u skladu sa odredbom člana 91. stav (3). Statuta Univerziteta u Tuzli,provede postupak tajnog glasanja za razrješenje direktora za ekonomske poslove Univerziteta u Tuzli i Upravnom odboru podnese Izvještaj o provedenom glasanju.

Komisiji su dostavljeni glasački listići, Lista članova Upravnog odbora, te se pristupilo tajnom glasanju za razrješenje Direktora za ekonomske poslove Univerziteta u Tuzli, na lični zahtjev. Nakon glasanja, na poziv predsjedavajućeg, izvještaj Upravnom odboru je podnio dr.sci. Zehrudin Osmanović, red.prof., predsjednik Komisije. Saopšto je da je glasanju pristupilo 6 članova Upravnog odbora, da su svi glasački listići punovažni, te da je za razrješenje Fuada Čerģića, MA, sa dužnosti Direktora za ekonomske poslove Univerziteta u Tuzli, na lični zahtjev glasalo 6 članova Upravnog odbora. Predsjedavajući je konstatovao je da za razrješenje Fuada Čerģića, MA, na lični zahtjev, sa dužnosti Direktora za ekonomske poslove, glasala nadpolovična većina od ukupnog broja članova Upravnog odbora. Zapisnik Komisije je jednoglasno usvojen čime je Upravni odbor na bazi rezultata glasanja donio slijedeću

**ODLUKU**  
**o razrješenju Direktora za ekonomske poslove**  
**Univerziteta u Tuzli**

**I**

Direktor za ekonomske poslove Univerziteta u Tuzli Fuad Čerģić, MA, na lični zahtjev razrješava se dužnosti Direktora za ekonomske poslove sa 21.02.2020.godine.

**II**

Ova Odluka je konačna.

3.2.

Nakon što je generalni sekretar Jasmina Berbić, dipl.pravnik, upoznala članove Upravnog odbora o odredbama Statuta koji regulišu postupak imenovanja vršioca dužnosti direktora za ekonomske poslove i uslovima koje kandidat treba ispunjavati u skladu sa Pravilnikom o unutrašnjoj organizaciji i sistematizaciji radnih mjesta i Statuta Univerziteta, nakon diskusije, Upravni odbor je jednoglasno donio sljedeće zaključke

#### ZAKLJUČAK

Zadužuje se Rektorica Univerziteta u Tuzli da za nastavak 24. redovne sjednice Upravnog odbora pripremi pregled potencijalnih kandidata koji ispunjavaju uslove a dali su pristanak za kandidovanje za imenovanje na dužnost vršioca dužnosti direktora za ekonomske poslove Univerziteta.

#### ZAKLJUČAK

Nastavak 24. redovne sjednice Upravnog odbora će se održati do kraja prve sedmice marta.

#### **TAČKA 4.**

**Informacija dekana Rudarsko-geološko-građevinskog fakulteta po Zaključku Upravnog odbora broj: 04-6065-1-6.2/19 od 10.12.2019. godine.**

Obzirom da dekan Rudarsko-geološko-građevinskog fakulteta, iz opravdanih razloga, nije prisustvovao sjednici to je na prijedlog predsjednika, jednoglasno odlučeno da se odloži raspravanje po ovoj tački dnevnog reda i o istoj raspravlja na nastavku sjednice.

#### **TAČKA 5.**

**Davanje Saglasnosti za izgradnju kanalizacionog kolektora oborinske vode/Kampus Univerziteta u Tuzli.**

Generalni sekretar Jasmina Berbić, dipl.pravnik upoznala je članove Upravnog odbora sa Zahtjevom JKP Vodovod i kanalizacija za izdavanje saglasnosti za izvođenje radova u Kampusu Univerziteta u Tuzli, nakon čega je Upravi odbor donio

#### ZAKLJUČAK

I

Daje se prethodna saglasnost Rektorici Univerziteta u Tuzli da izda saglasnost JKP “Vodovod i kanalizacija” za izvođenje radova na izgradnji kanalizacionog kolektora za odvodnju oborinske vode za naselje Badre, MZ Solina, a koji prema projektnoj dokumentaciji prolazi kroz Kampus Univerziteta na travnatom dijelu, dužinom cca 200 metara, na zemljištu označenom kao k.č. 1906/7 u neposrednoj blizini objekata KN-3 i KN-5A, kao i da zaključi Ugovor o uređenju međusobnih prava i obaveza između Univerziteta u Tuzli i Javnog komunalnog preduzeća “Vodovod i kanalizacija” d.o.o.Tuzla, u predloženom tekstu.

II

Ovaj Zaključak stupa na snagu danom donošenja.

#### **TAČKA 6.**

Zahtjev Sindikata visokog obrazovanja Tuzlanskog kantona.

**SINDIKAT VISOKOG OBRAZOVANJA TK**

n/r Predsjednika dr.sci. Samira Nurića, red.prof.

## **PREDMET: Odgovor - dostavlja se**

U vezi sa Vašim Zahtjevom broj: 10/2-2/20 od 12.02.2020. godine za odgovore na pitanja o poreznom dugu, a na bazi prikupljenih informacija od Rektorice Univerziteta ističemo da je od strane Porezne uprave FBiH izvršen inspekcijski nadzor na Univerzitetu u Tuzli, a predmet nadzora je bila: kontrola obračuna i uplate doprinosa na dohodak od nesamostalne djelatnosti i pripadajućih doprinosa i naknada od samostalne djelatnosti, kontrola poreza na dobit, kontrola obračuna poreza po odbitku kao i kontrola nad primjenom Zakona o fiskalnim sistemima.

U sačinjenom Zapisniku Porezna uprava navodi iznos koji i Vi navodite za period od 01.01.2014. godine do 30.06.2019. godine sa pripadajućim zateznim kamatama.

U dijelu koji se odnosi na kontrolu obračuna i uplate poreza na dohodak, predmet kontrole bile su: isplate po ugovorima o angažovanju spoljnjih saradnika, isplate o dodatnom angažovanju zaposlenika u izvođenju nastave na sva tri ciklusa studija i za članstvo u komisijama i mentorstvo.

Upravni odbor Univerziteta, na sjednici održanoj 21.02.2020. godine zaključio je da se Sindikatu visokog obrazovanja TK saopšti informacija o tome šta je u proteklom periodu poduzeto po ovim pitanjima.

Poznato je da zbog nedostatka zaposlenog naučno-nastavnog kadra Univerzitet u Tuzli, duži niz godina angažuje spoljnje saradnika kako bi se nastavni proces nesmetano realizovao. Takođe je poznato i Vama, kao licu koje je obnašalo dužnost Rektora Univerziteta da duži niz godina nije odobreno zapošljavanje nedostajućeg nastavnog kadra na Univerzitetu.

Ured za reviziju institucija FBiH u svom Izvještaju o reviziji usklađenosti aktivnosti, finansijskih transakcija i informacija sa relevantnim zakonima i drugim propisima dao je Mišljenje sa rezervom o nemogućnosti potvrđivanja osnovanosti zaključivanja ugovora sa vanjskim saradnicima za obavljanje redovnih sistematizovanih poslova vezanih za izvođenje nastave jer nije u skladu sa odredbama Zakona o radu i Zakona o obligacionim odnosima. Nakon izvršene finansijske revizije Univerziteta u Tuzli za 2018. godinu, Univerzitet je poduzeo niz aktivnosti kao što su:

- Ministarstvu obrazovanja i nauke Tuzlanskog kantona podnio je Izvještaj o finansijskoj reviziji Univerziteta u Tuzli za 2018. godinu broj: 01-4730/19 od 18.09.2019. godine i zatražio da se u cilju postupanja po Izvještaju Ureda za reviziju, u narednom periodu, što prije održi zajednički sastanak na kojem bi se razmotrila ova pitanja i zauzeo stav o nužnosti prijema u radni odnos asistenata i viših asistenata,
- utvrdio je, a Upravni odbor je dao saglasnost, na Program mjera po preporukama Ureda za reviziju institucija u FBiH i isti je uputio Ministarstvu obrazovanja i nauke Tuzlanskog kantona 01.10.2019. godine,
- Senat Univerziteta donio je Odluku o raspisivanju konkursa za izbor saradnika sa zasnivanem radnog odnosa i putem Ministarstva obrazovanja i nauke Tuzlanskog kantona, podnio je Vladi Tuzlanskog kantona Zahtjev za davanje saglasnosti za prijem u radni odnos asistenata/viših asistenata,
- podneskom od 19.11.2019. godine, Univerzitet se ponovo obratio Vladi i Ministarstvu obrazovanja i nauke Tuzlanskog kantona, kojim je urgirao održavanje zajedničkog sastanka i pribavljanja stava Vlade TK za angažovanje spoljnjih saradnika u akademskoj 2019/20. godini.

Do danas, Univerzitet nije dobio saglasnost za raspisivanje konkursa za izbor u saradnička zvanja sa zasnivanjem radnog odnosa.

Nakon provedenog inspekcijskog nadzora od strane Porezne uprave FBiH, Univerzitet je, u

ostavljenom roku, izjavio Prigovor na Zapisnik sa prijedlogom da se isti koriguje uz izneseni činjenični i pravni osnov na istaknute primjedbe.

Univerzitet je također, dana 21.02.2020. godine, dostavio informaciju Ministarstvu finansija Tuzlanskog kantona o aktivnostima koje bi trebalo poduzeti u pogledu omogućavanja unosa podataka u trezorski sistem radi isplate naknada angažovanih spoljnjih saradnika.

Pored navedenog, ističemo da je skoro svake godine vršena revizija poslovanja Univerziteta u Tuzli i u okviru svake, predmetom su bile i isplate spoljnjim saradnicima, a nikada, nijedna primjedba se nije odnosila na vrstu zaključenog ugovora niti na način obračuna poreza i doprinosa.

Sjednica je završena u 12,00 sati.

ZAPISNIK SAČINILA

Šejla Fazlić, dipl.pravnik

UNIVERZITET U TUZLI

Upravni odbor

Broj: 04-1035-1/20

Tuzla, 21.02.2020.godine  
dipl.pravnik

PREDSJEDNICA  
UPRAVNOG ODBORA

Senada Karajbić,